

Johresbericht vor Meitliriege Studen

Ds Soirée isch üs allne no am beschte ir Erinnerig.

Dr Mix us UV- und Hiphop Nummero vor Unterstufe, sowie dr Tanz mit Barre vor Oberstufe, het e glungni Abwächslig gäh.

Näbscht em Unihockeyturnier, Spieltag und em Turnfescht, hei mer öppis nöis usprobiert, drum si mer a Kidsrun ds Biel gange.

Dört hei sie verschiedeni Distanze je nach Johrgang müesse springe. Jedes het es T-Shirt, es Lunchsäckli, es Znacht und e Medaille bercho.

Us drittgröschti Gruppe het's no e Geldbetrag für i d Vereinskasse gäh.

D Turnstunde zämesteue u d Meitli chönne ds motiviere isch fasch die grösseri Herusforderig, aus die verschiedene Aläss ds bsueche.

Keule, Medizinball, Ringeturne, Weitsprung, Spieli oder e Parcours mache, isch nid für jedes Chind sälbstverständlech.

Die turnerische Fähigkeite liege zum Teil sehr wit usenand, drum cha me o nid jedem glich grächt wärde.

Aber nachwievor gniesse sis, wenn mir vo der 1.- 9. Klass öppis zäme mache, wie d Wiehnachtsstund oder ds Brätle im Summer.

D Leiterinne

Anja, Carole, Tanja u Denise